

摘藻堂四庫全書薈要

集部

欽定四庫全書薈要

集部

御製詩三集卷九十一

臣王杰詳校

詳校官原任編修臣徐立綱



欽定四庫全書薈要卷一萬三千五百二十

集部

御製詩三集卷九十一

古今體一百五十六首

庚寅七

西直門外作

親朝還紫禁趨曉命輕輿雨澤幸及節田功觀改初煙

郊歷沃若綠壠總芄如却念西成遠心懷敢即舒

小憩鏡清齋有詠

溪齋液池邊路便一臨憩階南琳池澄檐北石泉翳常

時艱致水雨後胥增勢風度樹陰涼露湛花光麗適可  
小徘徊幾暇無多事

韻琴齋

上源水既足假山泉各湧曲流灑階前激石活汙溶其  
音中宮商而殊金石種似是七絃調又非指鼓動一雨  
衆美具坐聽娛心孔

焙茶塢

貢來龍井雨前茅焙法南方精且嘉荷葉晶晶滿擎露

收將耐可瀹新茶

罨畫軒戲題

巖軒恒在斯一歲一二至至則盡罨前四時景各異氣  
韻復生動似勝石渠秘知然而弗然自笑殊多事

題畫舫齋

北岸別鏡清東岸至畫舫相去雖不遙犁然殊景况鏡  
取池之清舫喻室之狀而皆有資水其勝各弗讓得泊  
斯為佳豈必試風浪

鏡香室

齋正室則廂原臨一池上曉日照芙蓉其香鏡中颺露  
葉珠光擎風葩霞影漾鼻根既已清心所亦因暢設擬  
對齋展畫是周昉障

畫禪室所藏名畫薈珍冊有  
周昉紈扇圖寫蓮塘景特妙

古柯庭

葉齊鋪得滿庭陰翠幹稜稜尚鬱森六百餘年風月異  
老柯猶識古人心

得性軒有會

天命之謂性性實得於天人孰不具之失多鮮或全克  
已復禮為復豈由外焉借鏡以循名吾謂非本然然則  
如之何率修願勉旃

奧曠室

入幽得廓意怡然七字成章便向前几席清涼筆硯潔  
笑斯曾未久周旋

養心殿晚坐效白居易體

都京億萬戶煙火從來盛紫禁雖九重自當炎夏令未

如御園中水木實清淨視朝縱循儀一端示勤政避炎  
而弗行豈曰持躬敬宮牆日影落殿角風來競五明詎  
藉揮三幡頗堪證白傳亦有言涼乃生心定心定更幾  
暇遂因試理詠

漢玉穀璧

周官周禮制曾遺後世稱珍概漢之我獨嗟然緬姬室  
措刑黼飾太平時

自高梁橋泛舟由長河廻御園即景



太和曉日視朝迴  
趨爽長河盡舫開  
拍岸盈隄漲水足  
溯游鮮值自茲來

沿園樂善路經過  
倒影樓臺寫碧波  
遮莫泊舟尋柳逕  
繕營欲笑向緣何

廣源閘隔水高低  
那畔蘭舟傍岸移  
易舫川途還便進  
不須白業訪招提

萬壽寺即枕  
長河岸邊

繡漪橋入即昆明  
淼淼波光鏡浦平  
却是水華亦需澤  
香霞過雨總舒榮

鳳凰墩峙水中央  
檐際波翻激灩光  
屈指三年未經入  
主人自問有何忙

到岸輕輿返御園  
有誰章奏候金門  
沿緣半晌足遊目  
過此應非敬所存

夜雨

閏五月廿八日

快晴已多日  
嘉霽喜依旬  
作勢悠揚備聽聲  
疎密輪滌  
炎隔牖遠送爽  
攬袂頻翻覺難成  
寐思他咨怨人

喜晴

朝來還密霏午過遂開晴似此如人意真舒望歲情風  
花香送峭曦葉影含晶敢曰心斯慰益因敬畏生

恭奉

皇太后御園賞荷即景成什

邇來時雨復時暘略可農祥慰

壽康

鳳舳沿觀岸禾茂象筵張對水華芳庭心曦影全無暑  
浦面霞光却有香歲歲承

歡如一日十千為日歲同長

詠檀玉蓮朶如意

比德皆君子亭亭自葆光看來本同色嗅去若生香說

已聞茂叔揮曾詠潁陽問宜何處置宜是芰荷鄉

御園中每

歲恭奉

聖母賞荷處

溪亭對雨

六月初二日

侍

膳觀荷歷晚飧

鳳舟恭送返前園溪亭閒坐避炎暑西北雲生遠宇昏  
礧礧光飛霹靂鳴須臾峽倒復盆嶺向時酷熱驅何處  
頓欲添衣涼氣迎

連日時陰復時霽豐隆作勢意猶酣晚來陣雨淨收去  
蟬螭拖開天蔚藍

風

赤夏熱其常雨後風含爽碧天無纖雲高曝金烏晃仙  
藥既清澄文軒復朗敞盆卉各搖芳庭樹紛遑響桃笙

流四筵葛襟披五兩與共散鬱陶茂對欣長養

盆荷

盆中種藕根出葉亦田田水弗幾寸深波無數尺圓不染性原同益清花猶鮮下可遊錦魚高詎藏蒼鳶相看傲平湖何慮採蓮船

甌松

黃山多奇松其種

上聲

不一足賈客移之甌船載他方鬻

柯以數尺計概有凌雲局根以數歲植貌有千年樸大

似方朔窺王母小兒目

夏日池上居

池上偏宜夏日居  
漏長高閣適幾餘  
略欣時雨時暘候  
敢忘曰明曰旦初  
隱几那教夢栩栩  
憑窓便可數上聲游  
魚芸編豈必搜  
奇衍二典三謨足  
起予

抱樸草堂

逕入竹籬曲  
堂逢茆舍開  
樸欣無與比  
趣以不頻來  
嘉蔭當庭直  
閒花傍砌偎  
几間供筆硯  
得句便言迴

綰春軒口號

百尺垂絲綠影鋪  
敞軒迨暑坐斯須  
忽然擬向長條問  
流水春光綰得無

解慍書屋

順則惟堯時解慍  
惟舜代相去未百年  
弗順而慍逮大禹  
遂泣辜風日下堪  
愾爾時至於今復  
四千餘載解慍詎  
易言披薰懷以慨

豁如室



軒窗疏朗喜薰披花露盈盈香滿墀悅目賞心寧在此  
大公順應絜於斯

樂性齋

萬物皆具性惟人最靈矣近乃性斯率遠或情所使返  
遠而合近得樂性無比固亦匪外來其目戒非禮顏齋  
當銘盤永言玩厥旨

芥舟

水中亭子小而幽喻物名之曰芥舟舟已非舟芥豈芥

兩忘離即幻隨流

御湖雨泛

六月初八日

已喜宜暘數日晴  
遠天蒼蔚暑雲生  
西風送雨連波立  
畫展瀟湘片刻成

急點繁珠挾八音  
聲難為譜色難吟  
曲池大有江南意  
舟泛山塘虎阜尋

繪雨山房

在北遠山村

山村久不到  
乘閒一泛船  
夏雲挾雨來  
須臾天水連  
山

房可憇坐據床晒飛煙岸樹既迷離庭草益芊綿許詩  
景畢肖米畫神都傳猶欲問顛翁似此恐未然

耕雲堂

山堂近北塘俯視見牆外牆外復何有水田橫一帶綠  
雲蔚芄芄怒長上聲雨既霈耕耘忙農夫胼胝力誠憊所  
以廛祈年斯實苦之最

晴望樓

雨既優霑宜是晴高樓縱目愜予情未風黍露搖晶朗

嘉與三農望阜成

題和闐玉桃源圖

是圖刻漁人始捨舟入洞口未見秦人意

舟自溪源捨逕從洞口尋行行初極狹去去欲窮深屋  
舍猶未見仙凡覺異音淵明當擱筆五字作何吟

題方琮山水

蒼環復翠羅喬樹好音多是處誠天宇誰家此碩邁涼  
聲泛仙籟素色落飛波獨上高樓者知他意屬何

夜雨

六月初十日

晚熱既過甚夜雨知必然夢醒繞二更響聽垂簷泉時  
行正斯際三朝晴已連霽霈諒無妨未免心略懸心懸  
匪為他所為塵農田

喜晴

日旦起披衣佇立望天宇潤氣濕襟袖密雲喜不雨既  
而雲散風既而日朗午變陰漸爽涼雖炎非溽暑遙想  
田疇間炙背欣農父

泛月

碧宇無纖雲夕陽高樹晃對時豁鬱蒸吾心亦舒昶清  
風既滿湖下春漸隱榜過弦月在午揚輝煥晶朗徘徊  
欲入懷擬議難成象百層紫金塔橫卧波沆瀣如是從  
誰聞華嚴大方廣

月宇禱詠

新月

夜明三日見哉生碧漢寥寥湊朗晴雖是西傾倏飛下

迎人意已幾分清

弦月

漸移東向漸光明  
弓樣還疑羿待抨  
竊藥奔來千萬載  
似猶迴顧未忘情

望月

日日看來忽就圓  
問誰能解是因緣  
玉輪解以初無識  
如是虧盈任轉旋

湖月

御湖園廓尋常識入夕冥冥頓覺遙俯察仰觀非二體  
欲伸手掬鏡璇霄

溪月

一條銀線繫珠浮遂與沿緣試泛舟湖水豈寬溪豈窄  
絕無揀擇祇隨流

瀑月

飛泉飛月兩參差至動中全至靜期輞水淪連光上下  
却殊摩詰作書時



松月

倚巖老幹自槎枒  
隔浦看來遠亦嘉  
却入一九金彈子  
襍襪驚起露棲鴉

竹月

舟過竹埭且教停  
散玉搖金無定形  
說偈何須參指上  
一時息慮合清冥

荷月

香風拂拂面前過  
俛視船行過浦荷  
底是夜來花盡斂

梵經荷花見日而放  
見月而斂試之果然  
水仙應是妬姮娥

舟月

舟行岸轉鎮相隨  
左右有之無不宜  
放眼青天窅海外  
乘桴詎止木蘭斯

岸月

湖遊罷亦泛溪迴  
近岸低看樹影暄  
乍聽蛩吟出草際  
秋聲誰使逼人來

齋月

徘徊月宇薄言歸開著雲窻映碧幃小試清歡太康戒  
敢忘粥粥此宵衣

陣雨

六月十二日

陣雨飛來疾毆炎正可人樓臺都湧海世界忽成銀蟬  
靜柳樹杪鳬藏蓮葉津在東拖蟬蛸霽景又從新

過青龍橋二首

昨晚陣雨灑今晨料爽涼因教動清蹕名境攬煙光迤  
邐石橋過盤迴村路長黍高及稻下左右閱農忙

橋下建閘版昆明之尾閭專員司啓閉

青龍橋建閘為昆明湖尾閭之

泄專派大員董其事視水誌盈縮以為節宣

節制視盈虛前月漲消矣

閏月十六

夜雨勢稍大山水挾潦驟注湖波拍隄因勅盡啟青龍閘版盛漲頓消大得設閘之利

歸壚竟涸

如從茲願時若豐屢庶歌諸

李夏玉泉山靜明園作

數去聲

月曾無臨靜明邇來時雨復時晴趁斯暇矣略遊

目亦欲因之紓鬱情興過柳陰風送爽座依花處露漙  
晶溪亭瀟落曉餐罷章奏批翻自勵精

飛雲峴

春雲來好秋去好因識人心曷有常  
邇雨慮多無慮少  
便全飛淨正何妨

乘輿至玉泉山頂

曉涼適可遊山色況青好玉峯雖不高於此自超杪  
肩輿遵石棧蘿徑殊窈窕十步廿步憩憩即暢吟眺  
已逸忘人勞夫豈恕之道

麗矚軒

雲軒玉峯頂高每不常來至必暫為憩果然清足陪一篇詩句就幾點漏聲催石砌柏拱把柏子落石自生不數年皆拱把矣流陰信迅哉

菴畫窻

納遠虛窻縱目殊寧闕山水供去聲清娛黍高稻下綠雲

蔚勝展程家耕作圖

內府有程榮摹樓璣耕作圖卷寫田家景事畢肖今與所繪蠶織圖

并鈎刻耕織圖迴廊

靜益書屋

凡有可益者是動應非靜既靜既曰益其趣如何領譬  
若水與波波原水堪省又若空與色各具質所秉色可  
益可損空則損益屏不益益之寂於斯意為永

賞遇樓

陟嶺緣西降嶺陰即漸長潤行蘭埒露爽趁柏風涼岡  
脚臨斜落樓頭別一方如詢賞奚遇大野朗晴光

開錦齋

背倚石厓聳面臨湖水流翻光呈俯目縛綵見擡頭機

杼夫誰設文章不費脩四時花似錦詎獨擅於秋

夜雨

六月十四日

隔日雨零宵擬聲度漏迢已知膏

去聲

禾黍却厭聽芭蕉

衾攬涼颯沓軒披夜寂寥時哉適可止農況問明朝

午晴

曉起猶霏霏午間遂放曦似茲真幸矣吾益敬承之雲  
向遙天斂風從高樹披瓦簷尚餘潤斷續露珠垂

立秋

六月十七日



逾閏節應早金秋中漸來天時惟敬奉農諺自籌裁細  
雨五更落徂雲萬里開正當望晴候此亦足當哉農占  
秋日宜雨而復晴為一秋時若之徵今日五更微雨向  
曉即漸開霽既叶田家諺語且連日霖多得此尤足稱  
快

### 題金廷標新秋景

襟卉朝來露氣溥却憐荷浦艷將殘高人似鶴立猶獨  
童子鬪蛩圍欲團却喜蕉心展階側忽驚梧葉落林端  
興懷正是新秋景觸目訝成古蹟看

熱

將謂已立秋縱熱不致甚詎知婪尾炎其力越勲恁陰  
雨來無時濕氣鬱漉漉叶晴霽放陽光蒸溽酷更審豈  
無廣厦庠尚弗安衾枕念彼茅簷間民艱益厯朕

雨

六月廿一日

朗晴逾數日情知雨不妨以前霈既優雨即慮徬徨午  
熱劇蒸雲棼絲合渺茫倏忽急陣催勢如傾呂梁炎威  
避何所已自添衣裳披涼雖快哉籌農心為忙太過恐

致滂良苗愁商羊翹首望雲開時若祝宜暘

喜晴

夜雨聲已細曉雲勢遂斂扶桑燭陽光徂縷散荏苒縱  
炎所弗辭惟虞蒸溽漸過午乃快霽嫩糝生席簟似此  
設經旬西成庶幾覽

題董邦達新秋景

遙天雲斂露山光景物新秋報白藏高士似嫌餘暑在  
風臨水閣受微涼

幾暇

幾暇寧無意適予問予意適事何如吟詩懶用新奇句  
習字惟耽平易書稍喜風涼拂几席又看日影上階除  
迅哉駒隙有如是學業於斯未信諸

詠漢王穀壁

子曾執此誰曾執粟穀紛堆陳相入聲因未免一端思致  
問果能可食濟飢人

西北風

邇雖弗雨每雲生西北風今始快晴爽氣頻鋪消溽濕  
秋陽高曝麗晶明不周功詎寧容缺以散休惟時若呈  
盼亦久哉逢亦喜迴思春月頓殊情

出

暢春園門自隄上至泉宗廟即景禱詠

清曉起居謁

壽萱

內

壽萱春永在

暢春園

皇太后所居齋額也

遂乘幾暇出園門水

田千畝都荒綠多少殷心箇裏存

暑雨全收快霽宜  
豆苗稻穗曝秋曦  
所經見固堪欣慰  
未見還愁可若斯

沙隄宛轉栽桃柳  
春仲經斯花未開  
茂葉長條忽爾許  
流陰五月倏過哉

肩輿輕拂曉風涼  
泉上祠無六里強

自暢春園至泉宗廟止五里餘

最

是新秋澄爽氣  
暫教停蹕賞煙光

題扇淳室

初自園門進便為  
扇式房誰能此揮

搖去聲

已是覺清涼

戶外曉風入階前秋卉芳箴文懷蘊古

張蘊古大寶箴云扇以導風

祇益愧無遑

### 挹源書屋

數舉其多以萬言

泉宗廟建於萬泉莊

泉宗因識此為源心傳道

統寧殊此書屋曾因申著論

向作討源書屋記曾申論此義

### 曙觀樓

層樓拾級披迎面爽風吹目與心俱豁境和景相入宜

觀農意為

去聲

暢玩物志寧移海曙雲霞出襄陽句絕奇

向綠軒得句

幾架疎軒向綠開  
致幽林曲與溪隈  
含光相映不相妬  
豈是藍青費品裁

依綠軒

嘉蔭四週圍書軒  
敞牖扉研精二典  
在多慙去聲五絃揮  
喜近清秋爽行辭  
燠夏威稻塍將作  
穗可愛綠依依

秀舉樓詠假山石

何時來自洞庭濱

謂太湖洞庭山非楚之洞庭湖也

秀舉翩翩實可人



設使米顛騫相遇可無下拜敬如賓

輝澗榭

瀑泉飛落處擬擊成深澗雖深以至清藻葉可數

上馬聲

日色相輝映綠玉梳金田憑榭偶屬目知妙難為詮

樂清館觀書得句

書館信可樂恰有清風引綈几置芸編隨地務時敏底  
須研索丘語孟用不盡設詢即景句吾亦有所準了知  
非伯夷惟當法伊尹

集遠堂

巖上書堂敞碧疏  
遠山近水納無餘  
一時遇目得清會  
集遠由來在集虛

肩輿由萬泉隄至聖化寺

祠東迤邐至祠西  
觸目成吟逐處題  
剛報辰牌原有暇

祇園趁便重

去聲

尋蹊

拂面西風爽不涼  
鱗塍萬疊蔚煙光  
綠雲叢裏欲結穗  
此際惟期時若暘

梵宇百年多古樹黃衣列候喇嘛僧金仙聖化誰能識  
若論化民吾未能

精舍溪南別一區既來應到攬斯須板橋過去無多路  
便覺湖山越樣殊

含醇堂

曲隄間散步逕造讀書堂晝漏遲幾暇水風拂面涼已  
欣餞夏節適可賞煙光仰首瞻

題額訓垂奕世長

得真齋戲題

我聞梵經云凡真皆屬妄已妄更求得是謂迷趨向漪  
者水之波圍者山之障歷歷面前陳何言胥幻狀如是  
以得真亦匪金仙謗

矚巖樓

敞座風前謝搖扇高樓水面朗開窗翠巖對峙堪延矚  
上下玉簪聯一雙

題晁翠軒

拱把梓桐苟欲生培成翠影羃軒楹愛身庸詎不若是  
三復子輿慎所萌

襟嵐書屋

琳池有水全浸山瀟然書屋營其間左挹雲嵐以為袖  
虛無動影如堪攀妙哉佳處莫過此不惟畫情實畫理  
笑我坐曾弗暖席得句即行而已矣

林壑秋清圖題張鵬翀畫扇

展簾本因易舊字

舊存書畫有位置未愜者  
輒為更易興到並成新咏觀圖率與

發新哦疎疎却喜筆無俗灑灑疑披水有波何異南華

鵬神號

對秋爽不殊北戶引風多失之當面珍已往自我

如斯邨怪他

處暑

邇日宜暘好今朝爽籟吹司天誠善步溽暑已全移蟲  
韻添於向駒光監在茲晚來雖劇熱知復不多時

德勝門外作

逾月園居宜視朝清晨鳴蹕返宮寮經旬快霽行金令

喜看煙郊芄碩苗

蓄水因教濬闢池松林閘更事脩治

德勝門外舊有蒲塘數區今春濬治

寬深達於西直門以資引蓄灌溉並修松林略為紆道

觀工巖拍岸新波漱碧漪

疊道修因來往人

舊時德勝門外至圓明園雨後輒泥濘難行壬午冬發內府金集步軍執

役修築土道旁濬溝渠以疏汙潦渠消水亦利畊的鳩

工並不驚閭里內府休嫌發帑頻

入安定門至

雍和宮瞻禮

邸第吾生長

上聲

今來忽六旬

昔年景頻憶先節敬應申

八月間慶賀禮繁  
乘暇先至此瞻拜

砌下花新

錦庭前松老鱗緬懷趨

訓日黯爾獨傷神

養心殿晚坐

清秋入紫禁  
曉日上彤疏  
熱縱餘波在  
時知大暑除  
欣惟曝稼穡  
暇亦閱詩書  
七月豳風詠  
民艱每切予



高梁橋泛舟至樂善園

倚虹堂

在高梁橋側

畔候蘭舟盪槳清晨試溯流直進前番

園未入小留今度景聊遊露濃花際猶湛日風颯林端  
已報秋得句便教移舫去笑予何事類馳郵

題蘊真堂

溪堂綠水濱小坐便怡神花際風翻錦荷間露瀉銀昨  
年渾欲忘去聲秋景又從新真蘊夫何在一心惟愛民

含清齋口號

一年幾度此經行便去何曾久暢情分付虛齋應好在  
四時風月自含清

舟過萬壽寺

石閘廣源

閘名

過水高因易航須臾經梵宇瀟落霽秋光

不必維鷁首由來識鴈堂門前僧跣候到點付評量

即到

不點點即不到

語出指月錄

進舟至萬壽山登陸

長河漾舫不多時湖入昆明潏沆披適可黃頭落風颿

去聲遂教青雀泊雲涯肩輿路便聊攬景點筆秋前恰啟

思底事對山饒逸興田功夾岸看來宜

### 惠山園

山左小園別一區亭臺全擬惠山圖今年問景猶初至  
素節當秋覺益殊松自靜因風有韻石雖瘦以古為腴  
詎關境勝恒懷彼祇為去聲民親每縷吾

### 瑩心堂

惠山園北據巖堂堂下流泉泌且洋屬目瑩心清庶慮

因教數典學山莊

避暑山莊有瑩心堂茲仿名之

### 霽清軒

別嶂頗亦高有軒築其頂向北堪騁望  
綠雲迷萬頃習習華黍風秋陽澄霽景  
始早繼以潦數月憂恹恹弗災且望收  
額手吾何幸

### 清琴峽

泉聲出峽較恒強映目為清入耳涼  
恰是昌黎能妙會  
穎師琴韻變軒昂

七夕

依然七夕到那遇  
閨為遲虛說  
縑山鶴誰知良日  
康曝  
衣雖劇熱引扇有清飈  
返樸吾恒願何須乞巧詩

洗車雨

邇日覺婪熱蒸為雨  
洗車晴來逾半月  
潤處利高畬誰  
詠杜家句  
見杜牧七夕詩又歲時禱  
記七月八日雨曰洗車  
惟籌農者書  
毆炎  
頃生爽對景意清舒

和闌玉關山行旅圖

和闐貢玉高逾尺土氣外黃內韞白量材就質鑿成圖

不作瓶壘與圭璧關山行旅繪廷標

圖稿金廷標所成

峯巒疊

疊樹蕭蕭畫祇一面此八面圍觀悅目尤神超岳巔之  
處路疑斷雲棧忽架接兩岸策驢控馬致弗同跋涉艱  
勞皆可按大蒙至此萬里餘圖中櫟括殆盡諸各有恒  
情每塵彼不寶異物徒慙予

題楊大章秋景花卉

幾叢秋卉不論名跂脉蟲遊風露清却是寒蟬碧梧上

似愁即漸欲收聲

泛月有作

幾片秋雲傍晚徂過弦輪欲滿光鋪不炎復不涼侵體  
耐可筠舟泛御湖

御湖秋孟不恒逢

常年每於七月啟程往避暑山莊

颯景欣茲覲面供

况值宵清幾復暇宣毫江硯得從容

從容碧宇彩流晶滿目寒光滿意清欲學青蓮一致問  
當秋底事十分明

姚體倫蜻蜓紅蓼圖

幾穗紅珠照碧水一雙蜻蜓飛復止成形賦色誰所為  
無過偶然相值耳明經爾時興會此了了寫意弗求似  
徒觀蔌蔌點點中江上不覺秋風起

患失

子曰苟患失將無所不至為

去聲

為臣者言萬古昭明義

若其為人君宜多患失事

天命與人心慎保恐或墜



祖功及

宗德謹守虞致棄九州幅員遙可展不可替庶政綱紀  
存當修不當廢祈年兆雖佳未定越塵意一方即有收  
尚願萬方備一歲即幸豐更冀綏屢

賜患失斯已多得恒弗能遂為君信難哉永言誌吾思

雨

七月十一日

前朝雖小雨半月已佳晴優靈欣茲霽晚田滋彼萌作  
停卓午過颯沓嫩涼生適可宜云止斯之每繫情

喜晴

徹夜密雲而不雨侵曉廉纖纖空縷時踈時驟將作霖

月值三白恐符語

是月九宮值三白在下諺稱三白落地其月多雨

即今霽實

大宜農望見天衣薄過午旋薄旋看散以盡傍晚空澄

淨碧宇愁農自覺太慙慙是何言哉分

去聲吾所

西直門外作

邸第親臨緣視疾

和親王以病痢請告隨遣御醫診治茲聞所患增劇因入城臨第視之

輕輿復此返都城詠詩申志恒敦愛煮藥燃鬚太矯情

通鑑載薛王屬疾明皇親為煮藥火熱鬚因曰但使使藥而愈鬚何足惜云云夫友愛貴合中庸之道煮藥豈無僕寺何必身親損鬚且亦何益於療治紀載家鋪張失實殊不足取向題養正圖曾聞正之亞圃繁蔬滋宿雨凡阡華黍曝新晴築塲納稼時猶未望歲殷殷般益屏營

### 養心殿晚坐

斂盡秋雲祇碧天  
目依寥泖望澄鮮  
風來殿角吹衣表  
日上<sup>上聲</sup>窗稜朗座邊  
幾度往還明未久  
誰知時節暗為遷  
蟾光徐散琉璃瓦  
坐看輪匡欲就圓

臨和親王府第酌酒永言誌痛

視疾起居執手詢旋聞哀信達楓宸維屏維翰有為恃  
斯邁斯征無更親弱質兒孫憐汝偕

高年妃母養

去聲

子申

二

自難慰遣子當代為申養以頤

裕貴太妃居宮中今年八十有

之志 高年

一朝喪弟兼賢輔自顧何心慶六旬

臨大學士忠勇公傳恒第賜酌酒

瘴徼方欣與病迴侵尋辰尾頓增哀鞠躬盡瘁誠已矣  
臨第寫悲有是哉千載不磨入南恨半塗乃奪濟川材

平生忠勇家聲繼汝子吾兒定教培

中元日放河燈

多向山莊度

每歲孟秋幸避暑山莊此日幸於被放河燈

御園今日達了知

雨孤節却幸霽宜農

是日密雨至申建酉即霽

駒隙迅如是鵠原覓

莫從河燈依例放未覺解無悰

題和闐玉前赤壁圖

壬戌泛舟遊挈賓清秋赤壁景鮮新成圖那藉琢磨巧  
玉局原來玉樣人

早桂

月先去聲中秋月香殊他卉香隔年重挹韻幾穗早標芳

綠玉分來綠黃金鑄得黃臯途遞消息可許傲山莊

每年

中秋熱河亦有盆桂然塞外風土宛覺香色少遜耳

雨

七月十六日

夜陰曙落雨間

去聲

作勢未央滯雲東南來似此安窮長

五穀逮穎粟於時宜若暘屬我心弗怡益覺愁徬徨傍

晚幸開霽夕日輝霞光

眺爽樓

一夜西北風萬里雲散盡朝來重登樓  
迎面爽颼引出樹見牆外芄芄彌隰  
矚額手慶宜暘屈指西成近延眺  
此為佳藉用慰民隱

益思堂

能益人心思去聲端惟詩與書是宜尋  
饜飫未可負居諸樂以四時永趣當  
一卷舒佳哉董季直曾說有三餘

悅霽亭口號

風吹雲片去無餘  
砌曝曦光溽畢除  
秋草秋花那悅彼  
農勤農苦略紓予

待月樓

庭中聳假山有樓築其西山雖似隱月亦有月上時曰  
待則不無言待惟斯宜心知海中湧目見巖端栖忽覩  
清光滿照我之書帷我心亦如月朗然無所為精華澹  
澈間五字聊成題

雨

七月十九日



時霖時陰邇日連幸無靈需致傷田今朝密霏雲低佈  
恐遂成霖意怵然

晴

秋田云熟雨無害豈識堆塲亦望晴過午雲徂懸曉日  
始能對霽略紓情

命急賑直隸被水州縣詩以誌事

夏閏潦行甚畿南有被沴微禹民其魚對時增慙惻麥  
收已云薄黍種復勞致念彼謀食艱未可拘常例

今春  
近畿

少雨麥收不及昨年閏五月內大雨過多瀕河之武清等六縣低田被淹貧民未免艱食特命於八月內先賑一月口糧仍俟急賑命速行銀米仍兼濟賑例應銀米兼給前曾降

旨截漕二十萬石貯北倉以備直隸賑貸之用因諭楊廷璋即於此內動撥濟各屬倉儲所不敷仍飭董率有司悉心經理俾待哺之民均霑寔惠猶恐米不足截漕早頒制申命方伯

臣勤宣期惠被既妥且欲實庶減爾我媿

### 即事

即事成吟吟且哦邇來憂樂一何多長上聲年祇覺光陰

速少境渾疑夢寐過秋景聊欣無暑氣東流不見有迴

波詩如老杜堪稱聖今也斯翁可識麼

倣趙孟頫蓮塘圖用舊作題趙畫韻

風動鯉魚波滿塘枯荷葉上獨禽翔別傳秋意斯臨趙

盡得風流彼勝黃

趙圖中有董其昌題識云倣黃筌本

藻荇蕭疎筆幾點

水天幼渺尺盈方欣於五合同書法小幅旋成趁爽涼

西直門外作

釐降因之返禁城

以和靜固倫公主下嫁進宮御保和殿賜宴

金風華黍步

輿迎爽披昨晚收陣雨曝喜秋陽暢曉晴幸未大田傷

夏勞看猶萬寶逮西成畿南莫救水鄉沴仲月先教急

賑行

武清等六縣閏夏雨水過多頻河致勞低田難望秋收因命於仲秋先賑一月以資接濟

萬佛樓成是日瞻禮得句

六旬慶誕沐

慈恩發帑範成兩足尊數

去聲

計萬因資衆舉

建樓範佛以紀慶典

內外王公大臣亦有請鑄佛像為祝者統以萬計並奉樓中因以萬佛名樓

層看三此建樓

騫香花卜日瞻禮始福德被民願力存設曰遐齡祈壽

算肫誠還以祝

薇萱

題澄性堂

萬佛樓旁精舍新，  
渟泓碧水面前陳。  
迎眸何礙風和月，  
澄性都蠲根與塵。  
兜率不殊八功德，  
阿伽全泯萬緣因。  
箇中本是無一物，  
試問高樓誰主賓。

致爽樓

牆背夕陽檻倚池，  
漪波翻影上檐楣。  
不須石級重登陟，  
已喜披襟致爽颼。

湛碧亭

前後皆帶水左右復襟山雖均假施設所喜如天然秋  
月與春風暮靄還朝烟小亭正對樓平臨省躋攀於樓  
不見亭為去聲在菁蔥間

鏡藻軒

階前俯平池朗朗鋪鏡影鏡中寫何形交橫有藻荇是  
乃為真乎東坡終幻境用東坡承天寺  
冬月夜遊事

清約池

小池半畝湛虛明  
澹沲軒前約且清  
即景偶然題兩字  
非關知否致詳評

澹吟室

兩間築精舍咫尺祇園靜  
納空和色動標風與旂  
澹懷惟寂寂吟緒亦源源  
把筆微嫌處未能戒綺言

泛舟太液池

太液秋風裏輕舟即景論  
元明春夢錄日月浪花翻  
穗吐荻蘆老實浮菱芡繁  
金黿橫漾過遂與到蕉園

萬善殿瞻禮

液池南北一舟通命棹蕉園為

去聲落工

萬善殿在蕉園中猶前明所建

閣入剝落今歲鼎新之茲屆歲工拈香瞻禮

松戶百年依舊綠梅梁八架換

新紅金仙本自泯成壞塵世誰為悟色空初正陀羅音

禮懺

工既落成緇流於大悲壇禮懺懺文陀羅尼乃新依梵音鑒正者

笑予者箇未全

融

和靜固倫公主下降喀爾喀親王成袞扎卜之世

子拉旺多爾濟是日成婚禮成賜宴詩以誌事



藩屏世澤效勛重

平聲

見秦臺引鳳凰

成衮扎卜之父超勇親王策凌

在

皇祖時尚大長公主為額駙今拉旺

畏侮和親

多爾濟

復尚主世承恩澤蒙古中亦罕有

畏侮和親

鄙婁敬

漢畏匈奴強侮婁敬因倡議和親厚遺隆禮究無解於邊患唐於吐蕃突厥亦以婚姻修好其

失策略

同若今中外一家諸藩部世效誠悃其尚主者

禮則家人而誼等臣僕列居邸第何有漢唐降尊遠適

之嫌

費奢暱愛笑同昌

唐同昌公主出降賜錢至五百萬貫且以內府寶貨實其宅奩

哉

具務為奇巧房櫳器飾皆珍寶金銀靡耗無度今公

主婚禮所費不過數萬金而一切取給內府並不用戶

部帑項制而有節

結褵戒勿恃尊貴就邸勉教孝舅嬭

實我朝善法耳

嘉宴聊因循典則無須蘭省賦催粧

御製詩三集卷九十一

欽定四庫全書舊要卷一萬三千五百二十一

集部

御製詩三集卷九十二

古今體一百七首

庚寅八

賜百有十二歲老人王世芳

有序

乙酉春南巡至浙江世芳以遂昌訓導迎鑾年已  
百有七矣躋上壽而神明不衰特書黻席期頤額  
以賜並加六品秩榮其身今年以朕六旬慶節詣  
闕稱祝計其齒復益五齡而康彊如昔迺詔錫國

子監司業銜且予在籍食俸示優老也國家熙洽  
百有餘年太和之氣蔚為耆儒用徵壽世固史冊  
所罕覲彼稱明歲復來京師恭祝

慈寧八袞萬壽人瑞延洪式光慶典又豈香山九老所  
得差肩者哉因賜是詩以寵異之

書扁曾因賜幸杭誠心跋涉別江鄉齊年已似鍾離顧  
梁鍾離人顧思遠百十二歲有子十二  
人今王世芳年與之齊孫曾且七世矣 飲乳還嗤陽武

張晉秩依然司訓迪優恩將以益綿長定知明歲率羣

老純嘏鴻禧祝

壽康

長春園題句

有序

山水符樂壽之徵興隨所遇日月引壺洲之景春  
與俱長迺拓餘地於御園爰效嘉名於仙館顧當  
年之

賜號時切體元籌他日之安居茲惟卜始波通福海東  
孺旭麗扶桑垣亘清河北陌香浮華忝列縹緲以

娛志堂啟  
含經撫翰墨以怡神  
軒成淳化思永勵  
始終如一式是齋乎  
開襟而氣象盈千登  
斯樓也  
他若某丘某壑境足  
賞心有榭有亭勝堪  
寓目每  
幾暇竭來游憩擬耄  
期恒此頤恬以紀元  
六十載  
為衡積願笑惟奢望  
從周甲廿五年而計  
勗勤敢  
有倦心儷以弁言系  
之長律

長春非敢

暢春侔

暢春園在圓明園之南

皇

即景名園亦

祖所建今奉

皇太后居之

有由

賜號當年例仙館

長春仙館為圓明園四十景之一雍正年間賜居也即以當年

賜號名之倦勤他日擬菟裘

予有夙願若至乾隆六十年壽登八十五彼時亦應歸政故鄰

圓明園之東豫脩此園為他日優游之地雖屬侈望然果得如此亦國家景運之隆天下臣民之慶也培

松拱把冀鱗老留石平心待句酬廿五春秋仍訪迹

今歲

六旬屈指果得歸政尚當二十五年然一日臨蒞矢不敢少懈此敬勤之志必居此園時然後可息肩娛老耳

耄期歲月合優游

題淳化軒

閣帖欣猶善本全幾餘考訂為重鐫墨華輝映題軒扁  
石刻珍藏嵌壁甄閱古於焉閱歲月賞心何異賞雲烟  
居倘得遂初願內府藏有淳化閣帖初搨既為訂正重  
刻因於含經堂後迴廊分嵌石幅廊之  
中拓為是軒即以帖名名之若紀元得至六十則壽登  
八十五彼時當歸政居此果如所願得以翰墨靜娛誠  
至樂也陶寫端知勝管絃

### 待月樓

樓高為待月先臨東壁飛來涼滿襟却是大千人盡望

一輪安得稱

去聲人心



三友軒

禁中三友軒額為

去聲

歲名蹟園中三友軒窗外真培植

名實雖不同要以取有益寓意非玩物向曾詠其德

舊題

三友軒詩以松竹梅三物喻直梅喻諒竹

喻多聞並就其德性推言之益常願居前損則應離

側三者正相反求友可不擇於恒總宜謹況在躬為辟

題素心堂

素心我實有非無却較泉明高尚殊

陶淵明詩聞多素心人

常畏

民畧與

天命所師二典及三謨祈年曾弗間去聲終始食旰那遑  
惜劬設以懷人寓深意亦其稀矣亦增吁

理心樓

書屋名理心問心云何理尋思非由外仍由心內耳顏  
淵問為仁曰克己復禮己似外物誘克則從衷矣至於  
禮之復實復心本始不敏請事斯吾願學顏子

張宏秋山紅樹

秋山猶餘綠秋林漸染紅水閣坐畸人鬚鬢颯秋風流

泉落平溪白雲半嶺封其上飛銀龍擘峽勢獨雄委固  
弗可測源固弗可窮騁望屬念者夫誰識其衷

雨

八月初  
四日

弗雨已逾旬秋雲曉布勻濯枝承細霏潤葉灑芳津寒  
入棉衣試時餘竹帙親既霑思霽好慶典肇明晨

晴

夜報雲容散曉看曦影披若時暘雨叶切已敬恭滋舟  
牙

思齊豫隄排百爾寅

是日恭奉  
侍宴因命入

預慶典之王公大臣

等並來賀諸外藩及年班回  
部排列岸旁跪迎

鳳舸

稱觴聚

五世額手沐

天禧

仲秋悅心殿

慶辰行禮奉

慈寧山殿聊因路便傳恒侍

康強心有悅謹承

溫清視無形波翻太液俯階見風颯銀河平牖聽郊外  
適纔觀銍艾潦餘旋轉賴

圓靈

抱沖堂

山北此書室古香貯靜芬亦時資探秘何有踐尊聞砌  
茁雞冠蕊窻含螺黛紋沖懷胥欲抱義更切為君

延佳精舍

氣肅天高秋景颯西成平秩此為佳延來山景非不美

曾未於斯一繫懷

鄰山書屋

假山數百餘年久久假烏知非故有書屋倚巖不計寬  
忘筌真似居林藪行將蹕駐避暑莊玉岑精舍

山莊內書屋名

當憑牖忽然自笑失拘墟真假評量有是否

畝鑑室口號

對來剛喜不波瀾照物初非預設端莫訝鑑材纔得畝  
較于方寸尚為寬

得性樓

性固人人具而能全者稀弗全斯為失所以貴得之用  
是額斯樓觸目會心宜然非由外來復性書示幾設云  
供攬結千里謬毫釐

古遺堂

明之瓊華島元之萬歲山簣土自弗移稱謂從改刪古  
殿變滄桑今堂枕孱顏而山猶古遺額堂興偶闕後視  
今猶昔不改者本間

卷九十二  
巖影亭

山陰一笠亭恰與山相向山南液池北流峙景殊狀取  
之無不宜契矣脊增暢山容與水態交暎如揖讓巖影  
訝在檐諦視漪瀾漾

戲題鏡藻軒

引注活水為止水書軒階砌近尺咫憑檻鬚眉都鑑之  
開奩明鏡堪相擬何來藻荇梳其中訝似承天玉局比  
雖然頗類謝重言故應戲誚王道子



澹吟室

靜室秋池俯澹然呈鏡空因心惟愛澈得句不期工  
翡翠蘭苔上鯨魚碧海中為文哂輕薄子美我心同

致爽樓

假山之上構書樓山下波光几席浮不必披襟言致爽  
金風玉露已中秋

萬善殿

古砌猶存柏今園不見蕉正名去書室

舊時選小內監  
十餘人讀書於

此且有教習督課之昨以書館與僧寮相混於體非宜因移置他處設色煥禪寮無暇參白業有欣對碧霄精藍息心處漫與問前朝

朗心樓

憲延爽籟座凌虛偶坐惟因幾暇餘北俯液池澄到底  
印來秋月朗相如

題鄒一桂山水

致仕返家鄉寫圖貢闔閭相招至朋友惟與話蠶桑筆  
共江山老身非蒲柳強欣茲六法繪却勝九如章

一桂  
家居

以六句慶  
禮進此圖

詠商銅如意

一柄曲拳代談者璘玢古色錯金銀

金銀錯始于商代此器疑其時所製

誰知子氏猶尚質已有欣於如意人

詠龍泉盤子

有序

向侍衛自吐魯番迴者曾攜一盤至亦既有詩紀  
事此盤乃霍罕所貢霍罕安集延部類相近而霍  
罕為之長舊伯克額爾德尼今其姪納祿博圖襲

為伯克其地蓋遠於吐魯番數倍使使者貢萬壽  
並告新用事成是什錄實

古宋龍泉世頗稀云何外域尚或有吐魯番罷昔訝看  
霍罕包貢今復走不實厚往致頻來所嘉彼亦知獻壽  
質厚色蔥弗茅蒨

出遵生八牋磁罷開  
路曰蒨少損曰茅

定窑之下斯掄

首趙家幅員未逮彼彼何以得故難剖長言紀實非玩  
物更塵深意慎所守

直隸總督楊廷璋奏報收成分數詩以誌事

春莫逮夏首望雨心屏營閏五初始霑麥失大田耕侵  
尋更致多踊懼潦沴行永定既決隄淀復漲津瀛嗟哉  
水鄉民安得室家盈急賑八月施期以救災坻方伯茲  
疏陳秋收約八成此或出諱飾細閱畧悲情順天保定

津三府滂實丁宣化

府遵化

趙州其災本屬輕正定與

順德河間而永平四府及四州

冀深易定

如坻復如京截長

以補短八成言信誠謂失反幸得旋轉慰且兢然此出

統計向隅原可矜發帑出倉儲

被水州縣勅大吏查勘賑卹例當銀穀兼支因

詔發戶部帑銀五十萬兩並撥截留北倉漕糧及通州倉貯各二十萬石寬裕備賑仍飭督臣董率妥辦俾待食貧民均霑實惠毋  
任胥吏侵漁中飽 妥辦仍丁寧

賦得野無伐檀

五言八韻得揚字  
鄉試題

義經象茹彙堯典著明揚繼此風人詠思伊魏國章丁  
丁則非遠坎坎韻猶長力食勵無忝素餐愧不遑嘉茲  
伐檀苦繆彼寘河傷預育菁莪盛勤搜仄陋蔽野無遺  
邁軸朝有慶明良咨爾釋褐者其何贊典常

閱摺

閱摺日日勤隨到隨批發慎幾在其中未敢以疎忽值  
茲西成逮次第奏章達齊豫晉近畿滇黔蜀天末率皆  
報中稔吾民可資活兩粵及兩浙江南北閩越無不稱  
有收楚則大熟納俗云天下足諺曰湖廣所濟誠普潤  
熱天下足陝甘被偏災賑恤已勅撥統計歲稱豐感謝手加額然  
益戒滿盈鞏謙守無悖

八月十三日六旬慶典率內外王公大臣詣

慈寧宮行禮遂御殿受賀爰成長句示志

慈寧愛日麗清曦晉拜躬倡近遠藩重譯來王來賀節

霍罕使臣入貢是日命隨班行禮

十年一度一臨軒

每歲誕辰率在山莊逢大慶始御殿

受賀六旬亦自尋常有萬壽徽嫌慶祝繁久道斯之化成

未敬勤兢業勗存存

中秋日作

御園今歲餅筵度分外宜人景物撩甫過六星慶南極  
恰臨仲節侍

東朝碧雲影向天邊斂丹桂香從月際飄秋日本來勝



春日還思秋日讓秋宵

恭奉

皇太后啟行幸熱河駐蹕木蘭行圍之作

慶辰佳節遞都過合奉

慈輿幸熱河習武未宜疏駟鐵矢音恒是詠卷阿

恩深顧復行常侍

恒蒙

慈諭宜循

皇祖每歲

幸熱河之例習武施惠聯情外藩所

幸

慈體日益康強每奉豫遊

懿顏

必加豐厚誠亘古未有之

大福慶也

體益康強喜實多納稼更無慮蹂躪潦餘旋轉幸如何

今年閏月中雨水過多瀕河地有被溺者六月以後雨  
暘頗調高阜稼仍美好昨楊廷璋奏統計通省收成八  
分有餘茲蹕路所經則大田悉已登場沿村困鹿  
頗積竟得轉歉為收督臣言果不妄為之慶慰

曉涼

跋馬度煙莊棉衣破曉涼天高露色白日遠樹陰長野  
水潦將盡官郵塵不揚翻犁播秋麥四季總農忙

過九松山

古幹恒看護蘭若新柯又自薄雲霄所羸江表攝山者

曾未荆凡閱六朝

攝山六朝松九株  
向南巡時曾有詠

出古北口感懷

古北復鳴鞭今秋殊往年異常經潦漲格外命恩宣

六月

間潮河異漲衝闔城根舊垣隨圯兵民廬舍亦多有漂  
損者特派大臣同提督王進泰查勘撫卹即開倉平糶  
以資接濟並發內府金四萬兩倍賞被水兵民補葺屋  
宇仍飭遣工匠繕復城牆今經過則塞門已脩築如舊  
室廬亦漸次完整惟城牆則待補築更念災餘物價稍  
昂官兵衣食未免拮据復加恩賞借一季餉銀俾生計  
裕  
廬舍苟完矣雖墉未築焉長城真自壞觸景倍悽然  
每歲巡行大學士傳恒無不扈蹕今物故矣去歲征緬  
之後本不欲遣往以其敦請甚力命往經畧乃以勤勞  
受瘴致殞失此賢臣每  
懷耿耿悔之無及矣

# 出關

出關馬上益逢涼迤邐山蹊度野莊  
峽水易流潦未逮秋田薄獲圃餘藏  
飛鴻嘹唳高還下疊樹菁蔥綠間黃  
吟緒今來圖少輯其如觸目有題償

## 灤陽別墅

行宮灤之陰

喀喇河北行宮在灤河南

別墅灤之陽灤之水至秋仲

斂一舟原可亂而航別墅倚山據岡阜夏潦已到階基  
傍舊時平川數間屋然浪掀去餘頽牆脩築固不必剝

除善後須有方適纔高隴見薄收民無菜色頗似常安  
知下隰未經見保無凍餒鮮蓋藏瘵之陽今來益切視  
如傷

至避暑山莊作

慶典原無廢習蒐略遲啟蹕過中秋行將蘭塞千園合

外藩例備千  
二百人行圍

且許山莊三日留

今歲啟行遲山莊祇駐  
三日便赴木蘭行圍

錦繡開屏間去聲紅綠珮環淙峽互渟流迎鑾萬姓休稱

謝

六月間熱河山水驟漲居民廬舍被淹業已加恩撫卹  
並賞銀葺治屋宇仍發倉粟平糶以資日用今來

萬衆歡呼叩謝朕實塵災  
餘元氣之未能遽復也

元氣還塵可復不

永佑寺瞻禮

神御崇居雲日懸到來謁必致誠虔萬方樂利恒貽後  
百世繼繩可忘

前遊豫倍思稚齡日春秋閱忽六旬年明朝更值重讀

詔

每逢

皇考忌辰必敬讀

遺詔三十五年恒如一日也

撫已追懷倍黯然

碧峯寺

梵宇招提對碧峯六時常寂寺樓鐘不安僧侶談宗教

祇許空巖護象龍

味甘書屋

精藍之後構書廬  
啜茗泉甘得味餘  
一晌南華悟口徹  
緩烹細淪兩成虛

叢碧樓

乘閒聊拾級樓在碧雲叢  
孰謂全依綠居然半是紅  
越教牖增色可據座觀空去  
歲拈毫況偶思同不同

秀起堂

中隆客第若懸居拱揖羣峯盡俯諸紅葉知從綠葉染  
秋山覺比夏山虛鹿聲聞尚隔叢樾黛色看如入朗疏  
此日昨年漫論彼行雲流水例酬予

出麗正門恭迎

皇太后至避暑山莊即事成什

昨宵數問夜何如為是連朝潤

起居老幼黔黎類善錫動言左右史堪書街衢已復舊

觀矣

六月間山水猝發紅橋以西地勢稍低者市廛  
多被衝損隨倍賞內帑葺治今已整繕如舊

謹言



蹕奚須遠避諸策馬躬迎

聖母喜六旬子帝掖

安輿

題清舒山館

假山年久似真山況有臨階碧水潺  
園裏斯當迤東地  
林端常見矗西鬟庭餘落葉聲隨步  
窓納浮嵐色伴閒  
莫訝叩門新客到應為據座主人還

玉琴軒

階下有鳴琴聽為哀玉音幻哉更喻幻吟矣豈妨吟原  
是現前水欲忘過去心流泉付不識如是注溪潄

千尺雪

態是冰花意是涼人間無物可相方因名雪耳因還笑  
玉尺阿誰解去量

野灘潦盡挾沙無盛夏新秋瀑總殊真是雪從巖際落  
指看今善副名乎

溥仁寺瞻禮

渡河策馬謁花宮聳倚峯青垣繚

去聲

紅兩字溥仁含覆

遍千秋

聖日照臨中誰云佛教異儒教試看不同有大同詎止  
山莊孳萬戶九州

恩澤被無窮

### 題宜照齋

途便巖城入山齋近偶憑林還標張王

二字去聲

峯不改峻

嶄閱畫宛如活學詩可以興於凡總宜照返已懼無能

就松室

就松作新室松古室亦古乃知附青雲馬遷非虛語秋  
仲復既望紅紫繪岨嶕而此弗改者翠恒蔭庭宇便是  
鮮幾閒尚應坐少許

却炎榭口號

風颯林梢日入檐坐來猶欲毳衣添塞山秋仲如秋季  
那更重僮說却炎

微雨

八月廿五日

半月晴真好山雲傍午皴遂霏珠點細旋幕玉虛勾鹿  
濕避深樾魚喁上蘊淪明朝應啓蹕汎灑恰清塵

木蘭行園自熱河啓蹕作

雲收萬嶂喜新晴獵馬虞旌值啓程習武繩

前奉

慈訓承歡惜濶繫深情積看穀圃秋原獲潤逼蘭衢塵  
不生舊部新藩都效職翩聯鞠脆路傍迎

八崖口

崖口入園場川園小試張

入崖口後列於平川先試小園次日方於山中佈大園

野流左復右塞樹綠兼黃見獵心猶喜少年習未忘然  
今知鄭重弗亟驟龍驤

### 雪獵

雪獵非如雨馳驅興越豪不虞箭羽濕偏喜獸蹤遭

雪鋪

白色獸蹤  
並顯見

馬習手中轡鷹翻臂上條詩情在何處鏤出

玉峯高

即景

秋是木蘭好深秋益可人常年回蹕候今歲佈園辰

今歲

進哨較每年計遲十日常時重陽前後即可迴至張三營茲則九月初合園伊始

塞冷雨為雪

境仙地不塵却看活錦繡飄颻玉嶙峋

巴顏布爾哈蘇台放鹿

蒙古語謂富為巴顏謂叢柳為布爾哈蘇是處有柳而多鹿因得名

巴顏真巴顏祁鹿數盈千獵豈不願多過多心轉憐開圍放大半恣其毆深山留者彼何辜去者彼何歡物理

有不齊大公詎易言

儀鎗行

按鎗本鼎類又酒器俗以為刀槍之槍又火器亦名為鎗均誤也作儀鎗行因並識之

羽林中有虎鎗騎用以持鎗尋虎刺闕如負嵎孰敢撓  
賈勇直前弗退避乃有儀鎗厠其間所司導引為儀衛  
鑾輿發處必前行不取技精取數備短白其褂亦佩鎗  
虎鎗人著短險谷叢林曾未試虎鎗跋涉覓虎蹤儀  
白褂別於眾



鎗日受虎鎗賜

每日傳饌例有虎鎗之賜皆儀鎗者食之

莊叟寓意說支離

世間誠復有其事

重陽日蒙古王公等進宴即席成什

今歲行蒐十日遲重陽恰度木蘭時登山無地非高處

進宴有心值節期詐馬依然元制度什榜

讀作平聲

底籍漢

威儀歷觀史冊如茲少虔翠金甌慎自持

雪

九月十一日

塞雲幕嶺漸霏微遂作六花彌谷飛一例玉驄馳磬控

為去聲他撒就滿山園佈園今謂之撒園

配藜合沓亂飛浮鏤斧雕林致最幽却是粘衣盡乾雪  
底須止獵學文侯

迷離不辨潛林獸突出還教倒應弦所獲今朝多白鹿  
寧煩祥瑞詠文篇

拈毫詠素我原閑創景多欣值此間凍凝去聲岡巒應作

滑傳宣明日罷園還尚餘塔里雅圖一園因念雪積山間入夜必凍獵騎蹴滑非宜遂傳

諭罷園即於十二  
日出哨駐張三營

出哨

出哨坐輿行

自京師啓行日乘馬園畢出哨乃乘輿今歲有勸自啓行即宜乘輿者未從其請也

例然不欲更棉披滿谷暖玉積數峯晴散遣北藩騎評

量秋讞情

每歲此際乃閱秋審冊時人命所繫不敢不慎

園場一再減所獲尚

豐盈

至避暑山莊恭問

皇太后安喜而成什

三度減園期

今年較往歲凡減三園

問

安心早馳趙程瞻

懿履仙境適

慈願廿日

身益健千秋願若斯吾惟知以喜不忍憶宣尼

題願志堂

願志多芸籍

當年樂縹緲仙莊好風日

聖母駐徜徉即此怡

神永故知取義長願言千萬歲伴與正無央

含德齋

已德不欲炫宋儒著涵養人德不欲忌包荒玩易象

奎章勒檐楣含之為義廣韓文更申論能含吉乃享齋  
額當盤銘日新勵敬仰

敬晴齋

常時曠望白雲端數入聲息登來實暢觀落盡葉林山骨

瘦欽開嵐岫宇情寬明窓淨几值餘暇大壑崇巖了不

寒較雨量晴都過矣惟欣暖日烘

去聲吟安

繪韻樓口號

底須設色資丹綠太古雲巖展面前  
韻語若還擬詩格郊寒島瘦或應然

清綺書屋

佳山既沿緣佳處亦徙倚書屋率有書  
所愧研精旨屋窓一憑眺或復同其理  
松針後凋翠楓葉前餘紫即目玩景光  
實覺清而綺

梅檀林八詠

霜坂

白露為霜耀日鮮  
玉鋪谷底復山巔  
印來鹿跡疑人跡  
神向飛卿句裏傳

永池

小小山池渟且澄  
塞寒九月早凝冰  
漫言稀見淪漣趣  
心向不波處可徵

蜃窓

山中朝暮頗增寒暖席坐來久益安却喜蜃窓無障礙  
煙霞變態儘人看

毳幔

到處精廬書幔施慍慍禦冷代為之午暄縱望還因捲  
愧異仲舒久下帷

落葉

款款蕭蕭點砌墮落來初不藉風吹六章憶得曾研練  
詞費而今弗爾為



綠蕪

塞外誰云朔氣寒  
向陽原有綠蕪攢  
坐來獨惜瀛溪老  
曾未於斯生意觀

鶴磴

龕髻羽客喚崇椒  
不放何須更說招  
却笑丹臺伴仙子  
恐應輸此恣逍遙

崔簷

麻雀恒隨屋處安

有屋處必有雀  
無屋處則無

相關樂意啁簷端即

今玉塞為靈囿微物應忘紆那干

恭奉

皇太后遊獅子園即景成什

嫩暖輕寒逮小春

是日立冬十月節

山園咫尺稱

去聲

遊巡

聖慈憶舊增歡豫興慶依前美奐輪雪積巖陰橫鏤玉  
冰垂泉表直流銀鷁原本是樂羣地何事居然獨六旬

項聖謨山館秋深

楓柏已通紅蕉梧微賸綠惟有老蒼松不改蔭書屋書

屋寂几席主人罷吟讀應是往林外高山聊屬目

有真意軒

西峪幽居來往經今年却是此初停為欣齋額有真意  
復訝山容無定形坐愛向陽成永久觀惟忘物得清寧  
千林落盡紅兼紫祇剩巖松菴戶青

對畫亭

依舊窓開岵嶸間對來畫嶂是冬山林空峯瘦無點綴  
繪事羸他落筆艱

題含青齋

巖齋極西北幽阻弗恒到今朝風日暄肩輿一窮奧林  
姿縱廓落谷勢仍窻窳出陜亦造宏軒楹敞棲嶠青乃  
失以忽含則空成笑憑窓合無欲轉得觀其妙

玉岑精舍

精舍構幽深面檐聳玉岑林空那有色山靜似無心土  
潤鹿留跡霜清鶴隋音坐斯仍問政未可祇耽吟

碧靜堂

烘谷秋陽暖雅宜  
問景前徑穿出樹  
杪堂迴坐山巔縱  
目極空濶俗情都  
棄捐碧天真是靜  
無際一虛圓

松壑間樓

曲廊高下有階通  
小小書樓大壑叢  
誰謂秋山生意少  
綠盤松蓋恰窓中

題永恬居

一徑穿林入人蹤  
襍鹿蹤山居到成  
憩俗念覓何從落  
葉無留樹戲秋將  
柏冬性因恬以永  
不必問禪宗

素尚齋

斜廊將百級齋乃構其上濟勝步忘疲居高目宜望凸  
巘與凹壑無所逃形狀豈藉繁藻續真存太古樣因  
之坐成久心焉愜素尚

遊創得齋得句

永恬

居

西北去入谷乃創得

齋

以其極幽隘不數

八尋

路仄今朝至山居斯則近咫尺半途而即迴山靈笑孔  
棘谿壑歷數曲趣已殊胸臆人面起峯稜石根出泉液

初訝向未逢徐悟夏霖積琮琤珠玉滴隱現雲巖泐其  
色固無定其聲亦誰識韶馭廟堂韻非也仙樂格所得  
又為創五字弗能默

夕佳樓

一窓烘暖日半晌棄幾閒位置煙霞表依稀佳美間蕪  
存欣近砌葉盡見遙山自是塵氛遠何須更閉關

湧玉亭

處處山溪有水清亭稱湧玉果循名實因今夏經多雨

深憶吾民尚繫情以曰漂然誠滌慮猶聞瑟爾足佳聲  
顧予敢取遊觀適惟是敬勤凜旦明

十月朔日作

入峭三朝行已速

今年歲因朕六旬慶節自京啓蹕較常年進一月餘且閏後節氣亦早至山

莊駐三日即幸木蘭及旋蹕熱河氣候仍然和暖  
聖母深以塞苑願居為適因復駐半月始行回鑾出

園半月駐猶應明當清蹕言旋矣幾度拈毫得句曾水  
態山容小春麗千秋萬歲

懿歡承朝中此日例頒朔壽錫寰區百廿增

每歲十月朔日例於



午門前頒來歲之朔曾諭司天時憲自辛卯年為始於  
紀年增注六十一歲至百二十歲使花甲環周益綿壽  
世之慶

### 入古北口

朔氣變寒嚴休工春日僉

塞山敗壘頗垣固無事修葺而此正當路衝觀瞻所繫故

發內帑重築近塞地土凍早城工暫停力作俟春融興工

本無事脩葺徒以繫觀瞻

省歲麥籠畝禦冬舍接閭安民企黃霸築塞鄙蒙恬

### 恭奉

皇太后廻蹕至圓明園即事得句

行秋玉塞奉

慈娛冬孟迴鑾暖尚姁

今歲中秋後一日始啓鑾故迴蹕較往歲畧遲而和暖如常故

可喜也連頃宿旌秋正茁兩行官柳葉全無向東又自園

門入望北如忘山路紆體察

精神承

志意扈

遊長此易言乎

雪

十月初九日

前日狂風昨日陰  
問宵其雪尚難諶  
詢

安剛喜霰絲集  
勅政遂看花片侵

是日問

暢春園集 安後在  
鳳軒理

事閭闔有煙還  
詆蕩樓臺無處不  
深沉未曾渴望霑  
優澤益切冰兢凜  
照臨

### 詠周應鐘

簾懸當十月  
鈕具閱千年  
土鏤蔚蒼綠  
螭紋隱曲卷  
擊思清廟  
叶銘撫太和  
鐫

是鐘銘鐫  
太和二字

遐想姬周禮  
徒觀器

尚傳

冬至齋居

日精門左側廣殿值齋臨陽復

天心見鵝歸暮色侵政章雖簡奏治理要詳斟更有挑  
燈暇經書趣可尋

冬至

南郊禮成述事

答陽陽復舉

精裡壁帛牲醪薦享彬陟降侑陪惟

列祖

聰明視聽自斯民紀年踐阼茲廿五得歲承

釐逮六旬九級

穹壇七升退趨式禮益滋寅

題趙孟頫畫黃庭堅觀磨崖碑圖

似是黔州安置時浯溪經過讀顏碑底緣識得心傾仰  
將欲登舟返顧遲

民穀數

歲終各省奏民數穀數因成是什

民數益增穀不增食之者衆價常騰別無善策資補苴  
宵旰惟虔祝歲登

詣

雍和宮禮佛疊今歲新正詩韻

趨

庭每憶少年場

邨闕因之叩鹿王法化報身盡裏相去來今世鏡中祥

誰知新歲損簷喜幻作斯時存沒傷

新正來謁時和親王以領宮務在列

因有六旬兄弟相隨逐之句今再過已邈然不可復得曷勝軫惻

了識無生還有恨惟

應慙愧仰威光

雪

十二月十六日

孟冬霑厚澤

十月初九日

兩月隔云遙祈歲吾惟切望雲心

已焦濃陰五更報侵曉六霽飄遂見紛飛密旋成委積

饒先春真是顰凝凍未全消過午晴曦晃欣餘惜轉招

辛卯春帖子

歲報悉新至春先十日來壬辰振繼

立春日  
在壬辰環轉萬

週廻

東陸軌木盛五行遇水生

是日五行屬水

土牛占歲事京兆午

門呈

朝來碧殿煥春曦翰苑箋書帖子詞披讀雖欣多頌語  
不忘規亦每殷斯

除夕


一日復一日忽看一歲消誰云增閏月依舊到今宵



栢葉郁金鼎燭花輝綺寮安排筆和硯明曉頌春椒



御製詩三集卷九十二



總校官庶吉士臣侍朝

校對官編修臣范衷

謄錄監生臣馬嗣仝